



UGOVOR o javnoj nabavci hardvera

KJKP „Sarajevogas“ d.o.o., Sarajevo, ul. Trg Fadile Odžaković Žute br. 4, 71000 Sarajevo
Koga zastupa: Direktor preduzeća, mr.sc. Nihada Glamoč, dipl.ing.maš., (u daljem tekstu: Kupac)

i
Bosnien Business Systems d.o.o., Kranjčevićeva br. 39, 71000 Sarajevo
Koga zastupa: Direktor, Goran Šabović, dr.sci., (u daljem tekstu: Prodavac)

Član 1.

Predmet ovog ugovora je **nabavka hardvera** po provedenom otvorenom postupku nabavke broj TD-05-23/17. Prodavac je dostavio ponudu prema Obrascu za cijenu ponude kupca broj SP-OJ06-TD-05-23/17 (ANEX III). Sadržaj i vrijednost robe iz stava 1. ovog člana (Obrazac za cijenu ponude - Anex III broj SP-OJ06-TD-05-23/17) priložena je ovom ugovoru i predstavlja njegov sastavni dio.

Član 2.

Ugovorna vrijednost robe iz člana 1. ovog ugovora iznosi: 185.271,00 KM bez PDV-a (slovima: stotinuosamdesetpethiljadadvjestotinesedamdesetjednina KM), a jedinične cijene su fiksne i specificirane u prilogu ovog Ugovora i čine njegov sastavni dio.

Član 3.

Prodavac će robu iz člana 1. isporučiti prema obrascu za cijenu ponude SP-OJ06-TD-05-23/17 nakon zaključenja ovog ugovora sukcesivno prema potrebama Kupca. Prodajna cijena podrazumijeva isporuku opreme i instalaciju operativnih sistema na istu, FCO kupac. Ugovorne strane su saglasne da se kvalitativni i kvantitativni prijem isporučene opreme izvrši od strane ovlaštenih predstavnika svake ugovorne strane u skladištu kupca ili na lokaciji kako je odredio kupac u tenderskoj dokumentaciji.

Član 4.

Prodavac će obračun isporučene robe vršiti po jediničnim cijenama iz priloga ovoga Ugovora. Kupac će plaćanje izvršiti u roku od 30 dana po izvršenoj isporuci i prijemu uredno ispostavljene fakture na transakcijski račun naznačen na računu.

Član 5.

Obaveza Prodavca je da u roku od **sedam (7) dana** računajući od dana potpisivanja ovoga ugovora dostavi Kupcu garanciju za dobro izvršenje posla u iznosu od 10% od vrijednosti ugovora u obliku bezuslovne bankarske garancije sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana. Ukoliko Prodavac obavi sve isporuke i sve ugovorene poslove kvalitetno i u roku, Kupac će u roku od petnaest (15) dana nakon realizacije ugovora Prodavcu vratiti pomenutu garanciju. Ukoliko Prodavac ne dostavi traženu garanciju u zadanom roku iz stava 1. ovog člana, zaključeni ugovor će se smatrati apsolutno ništavim.

Član 6.

Kupac i prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom nijedne ugovorne strane, niti se objektivno mogu predvidjeti, a sprječavaju jednu ili obje ugovorene strane u izvršavanju njihovih ugovornih obaveza.

Član 7.

Obaveza prodavca je da opremu isporuči na skladište kupca ili drugu lokaciju određenu od strane Kupca i da izvijesti kupca, prije isporuke, o datumu isporuke opreme.



Prodavac nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja kupca.

Član 8.

Prodavac je u obavezi da isporuči naručenu opremu u skladu sa svojom izjavom o rokovima isporuke koja je sastavni dio ovog ugovora, a nakon dobivanja narudžbe od Kupca. Za svaki dan kašnjenja u isporuci Kupac će zaračunati penale u iznosu od 1%, s tim da ukupan iznos penala ne može biti veći od 5% ukupne vrijednosti ugovora.

Prodavac garantuje da će isporučena oprema biti tvornički nova, neupotrebljavana, originalna i da će funkcionirati saglasno deklarisanim performansama. Garantni rokovi za ponudenu i isporučenu opremu su prema uslovima iz tenderske dokumentacije.

Član 9.

Ukoliko Kupac u ugovornom roku iz člana 4. ovog ugovora ne plati cijenu za isporučenu robu obavezan je prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

Član 10.

Ovaj ugovor se zaključuje na period od 1 (jedne) godine počev od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

Član 11.

Ugovorne strane su saglasne da prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke. Ograničenja u smetnji iz stava 1. ovog člana traju 6 (šest) mjeseci od dana zaključenja ugovora.

Član 12.

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.

Član 13.

Ovaj ugovor stupa na snagu danom potpisivanja od strane obje ugovorene strane, a sačinjen je u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

Član 14.

Sve nesporazume do kojih dođe u realizaciji ovog ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

Za Prodavca :

Direktor, Goran Šabović, dr.sci.

Broj i datum ugovora, 2017-132

27.11.2017.



Za Kupca:

Direktor Preduzeća

Glamoč
Mr.sc. Nihada Glamoč, dipl.ing.maš.

Izvršni direktor

Mehović
Mr. Mehmed Mehović, dipl.oec.

Broj i datum ugovora, 243/17

27-11-2017

